

新化縣志卷第十八

人物志一

先民

宋

伍平國弟光國 聶致堯

李安國

劉夢真

王南美

元

伍世傑兄世仁 羅華仲

羅友朋邱天奉陳良欽劉瑛仲

楊天繼六世祖維聖弟紉綬綠纒

伍平國居縣西三塘世所稱三塘伍氏者也少穎敏好學以縣置自熙甯建學來鄉牒貢士最多無舉進士者平國發憤為科舉之學甚有文譽紹興二十六年丙子鄉舉第一時有伍解頭三不休之謠謂讀書不熟不休誥經不明不休作文不工不休也宋世功令諸州考校中格者隨解牒上之禮部為鄉貢士禮部列名放榜

新化縣志

卷第十八

人物 先民

一

謂之省試其鄉貢舉絀於禮部者次舉仍須考校非若明以來舉人可直赴禮部也然得解舉人第一者省試多不遺平國以第一人舉竟不得為進士眾為之惜平國恬然不為意平國弟光國官瓊州府簽判陞黃州知府亦有名於時光國六世孫有世傑者卒成進士於元至正朝云舊志以世傑為平國子府志以世傑為平國後今按伍氏譜乃光國六世孫聶致堯邑之高平人事親以孝聞臨財廉而好施與喜周給貧乏邦人義之列舉孝行節義十事守宰聞於朝詔旌其門張棊為之題額祀鄉賢道光府志云致堯居新化之高平自隋省高平入邵陽故舊志稱為邵陽人李安國當熙甯閒開梅山始置新化安國隱居行義其中事母至孝有司延致學宮教邑子弟以母老力辭安國好吟詠著有梅山老人集今佚

劉夢真字南甫咸淳閒隱居縣之橫陽山念其族自始遷祖來十

世皆單丁不絕如縷因家居修浮屠家法誅茅爲庵顏曰慶善堂日閉戶誦經禮佛以慶善頭陀自號一夕夢游苦竹林道塘觀中有古佛出迎明日其壻陳恭伯至述其事相與尋至夢所果得佛像奉以歸而劉氏遂繁衍爲邑中著姓

王南美

林志作英

工爲詩宋末隱居伊溪桂巖以易學授徒鄉里又置

義莊以給孤貧著有釣月耕雲二集均佚僅存五字小詩一首詩

云居士作層樓不愛風花雪待得野雲收只釣溪邊月

道光府志云南美一

作安化人湖南通志人物傳入安化而以所著釣月耕雲二集入新化蓋伊溪之源在今黃柏界山其陽爲安化陰卽新化原可兩屬也

伍世傑元至正閒進士參贊潭州平章啞思蘭茶政軍務守全州伍氏譜載其與兄世仁友愛甚至世傑殉節死平江世仁歸其喪痛甚語後世子孫祭必合食今兩家子姓相助爲理猶世世不替

### 新化縣志

#### 卷第十八

人物 先民

二

世仁官大常寺會同館譯使

羅華仲元英宗至治閒官鎮撫司有勇略時品溪苗賊爲亂華仲督兵勦之身先士卒眾寡不敵戰沒高平十二牌事聞朝廷嘉其忠予以世職子原富蔭襲柳州鎮撫司今縣西文田村樓下坪上聚族而居者皆其裔也

按道光府志以華仲爲友朋先人誤今從羅氏譜移正

羅友朋元季人時天下大亂土豪大姓多結砦自保相雄長周文貴者陳友諒部下驍將也友諒敗文貴擁眾歸元爲湖廣左丞與明抗明大祖旣下武昌降陳理命胡海率所部賀興隆取寶慶路唐隆道敗死興隆鎮寶慶文貴乃號召湖南士裔起兵邵陽之中鄉復寶慶殺興隆友朋偕其黨陳良欽邱天奉舉兵應之文貴表爲萬戶槎溪楊斗雷故隸興隆部以驍勇稱者也與友朋爭地戰於漿塘爲友朋射死部曲走散友朋遂保有高平十二村十二村

者羅洪九龍巴油石脚常福金鳳靈眞長野樸塘栗坪高鳳大坪也其地西界隆回南毗永仁新甯二鄉袤延百餘里眾數萬戶友朋率之以奉文貴調度故文貴能出沒靖邵以與明抗友朋卒子志夫襲職而文貴戰敗茱萸灘於是明盡有寶慶地志夫亦遂爲斗雷黨楊天繼所擊滅然而友朋馭下有恩威十二村皆爲之立祠迄今五百年猶俎豆不衰云時有劉瑛仲者亦召集豪傑子弟練義勇結砦拒紅巾賊朝廷以其有保境功授以萬戶職與其族人顯仲相雄長被殺

楊天繼字紹卿其先泰和人六世祖維聖宋大觀中簽判廣西歸過邵州樂其山水家焉屢遷始定居縣之槎溪槎溪在縣南平疇沃衍一溪潏洄四山環抱稱樂土其地有朱陳二大姓最橫暴屢爲所陵維聖一夕呼家人役眾持畚鍤封土爲塹屹如山立大姓

新化縣志

卷第十八

人物 先民

三

氣奪爲少戢歷宋元凡五傳至槐生天繼英挺不羣有弟四人曰綬曰紉曰綠曰隗兄弟皆有膽略時元政不綱亂將兆矣至正丙戌丁亥間紅巾賊與汝穎蘄黃兵競起州縣多陷歿湖以南列郡騷動土豪大姓多結砦自固互相仇殺朝廷因而官之以制服蠻眾天繼聚族謀曰今海內分裂鄉里謀不逞者動以千百計郡邑守令無一足恃者吾兄弟勢力單弱不去禍將及當各擇地圖存乃去之油溪以伺亂稍定歸省則綬死家破紉綠隗各逃散壬癸甲乙之際重以荒旱亂愈熾羅志夫者萬戶友朋之子也襲父爵侵掠鄰境天繼忿其所爲亦號召鄉里子弟立砦爲保志夫固驍暴各砦聞風瓦解天繼益忿乃徧尋諸弟歸率佃眾糾遠近居民爲士兵入保南山砦南山斗絕其前獨通一徑志夫來攻不克將遁天繼率士兵突出乘之無少長殲焉一方以甯寶慶鎮帥聞之

上於朝授天繼爲義萬戶今槎溪北渡村輦溪平青連溪諸楊皆天繼兄弟五人之苗裔也

忠義

明

陳君寵 祖文璧 羅時享 父文炳 楊士瑋 鄧南楚 張梅進唐

姓三十 謝嘗吉 劉暘德 鄒繼名 羅均彰 歐陽羽良

楊明達 子如孝

國朝

曾艾 子江德 妻姪張蓋英 妾余氏 陳氏 十餘人

曾彰泗 父慎 蕭大鐘 曾承恩 鄒漢勛 鄒召旬

楊琢珩 鄒永喆 親兵四 歐陽藜照 譚光表

鄒世範 譚印兆 譚經世 譚挹芳十二人 譚德懋

新化縣志 卷第十八 人物 忠義 四

團境遇害諸人 鄒漢章 世青 唐顯烈 劉芳貴

劉中和 蔡玉麟 鄒孔紳 代震 江有貴

劉勝祥 呈祥 李斌 瓚

陳君寵字簡之世居縣西之橫陽山山上有砦元季居民避亂居此故又呼砦邊邑人言望族者必稱砦邊陳氏君寵又陳氏之望也祖文璧善琴蓄古琴二能召仙嘗以其術致呂仙於其地之紫溪滄浪亭撫弦動操移時迺去後遂名其地爲會仙橋名其琴仙所撫者爲弄雲自撫者爲懷仙 國朝乾隆中弄雲歸長洲褚氏筠心學士廷璋集中有弄雲篇是也父大謨有隱德君寵性誠篤幼師事同縣譚昌期昌期以理學名於時言動皆有禮法君寵執經問難終日侍立不命之退不敢退既長以文雄於時舉萬曆戊午湖廣鄉試第一報至前夕其父夢學宮奎星樓上有龍臥古鐘下解者以鐘形類之下龍爲寵字兆君寵當得解已而果然屢應禮部試不讎崇禎時授四川羅江縣知縣時賊氛四起君寵從父兄調元以歲貢謁選得建甯通判欲不行語君寵曰休矣時勢

新化縣志

卷第十八

人物 忠義

五

如此以身試險毋甯老死橫陽山爾君寵歎曰丈夫當烈烈轟轟以身許國兄迴輪而弟叱馭各行其志毋相強也遂行既抵羅江值歲荒旱設法振濟民賴以存活初羅江民不知水利旱則坐待天雨君寵至教民爲隄堰蓄水又教以龍骨車筒車轉水諸法民獲其利呼陳公車壬午聘爲四川同考官得張夬何其輝諸人皆蜀中名宿以才擢知潼川州未久卽殉難死僞鎮馬科者李自成別校也自秦閒道入蜀圍潼川君寵旦夕督兵民固守時川中郡縣多陷滅援絕城陷賊逼降君寵忿罵賊將殺之潼川士民涕泣擁護賊亦重君寵節不遽加害欲久困以屈之幽五顯祠內君寵飲酒賦詩自若賊知終無降意欲絕其飲食君寵一日遺書其子世軒曰吾以身許國一死無他說矣作絕命詩二首從容自經死時十七年月日也士民啟戶視生氣凜然有白廣文者收其屍殯

白馬廟未一月科爲賊帥所磔而其輝載其柩歸新化其輝卽君  
寵壬午分房所得士也方殮時得詩於懷袖云被拘示守者詩曰  
世局竟如此吾身安所逃未能誅鼠輩死亦等鴻毛俯仰慙天地  
君親恩兩違吏民休我惜已視死如歸蜀民哀之爲作梓川曲云  
蜀山何義義陳公節不靡蜀宇嘒枯桑思公堪斷腸先是君寵攜  
其祖所蓄兩琴之官一夜琴鳴甚哀乃命長子囊歸未幾而難作  
廷璋詩所云鐵山太守攜入蜀碧血潼川事顛覆鴟絃夜半泣孤  
忠如聽淒涼羽音曲者也君寵自號鐵山故云事之前定如此君  
寵事明史忠義傳失載見一統志湖廣通志 國朝通諡節愍並

見

欽定勝朝殉節錄詩謠均見沅湘耆舊集

附錄 國朝

弄雲琴歌并序乾隆丙午秋余客楚南新化陳生大巖攜其七世  
祖南溪公所貽弄雲琴過訪云公素工舛術曾以舊藏嶽僧兩琴  
和訂會呂仙於紫溪之滄浪亭遇一叟來對之飲撫琴不動操山鳥翔所集

### 新化縣志

### 卷第十八

人物 忠義

六

當撫者曰禎弄雲公自撫者曰韻甚哀再命長子潼川歸太山公旋攜入賊  
難殉節翁復題琴臺寺老衲藏雲久知音良可懷欲逢天漢客畱  
眞軒呂節二琴占詩云及今蓋二百餘年矣曾某賦是  
汝待秋來大巖絃冷人閒有文知相己感因弄雲歸高吹斷天  
詩太音微茫七絃與夙間箏字紛相之步虛渺白月余賦是  
風人不醒朝有遠客來叩門攜綺囊拭古塵石上當時尊白雲之  
所撫三百餘載猶存遠叩門攜綺囊拭古塵石上當時尊白雲之  
蓬蓬絃夜半泣孤忠如聽淒涼音曲歸蜀古碧佛血潼塵刳事顛  
覆鴟絃夜半泣孤忠如聽淒涼音曲歸蜀古碧佛血潼塵刳事顛  
茫閱陵內谷空餘雪印禪心那記清風伴待知音和淚沾臆是  
養眞軒內谷空餘雪印禪心那記清風伴待知音和淚沾臆是  
薦前席撫柱拂絃增歎息我本湘南飄玉宇空聽雲和吸待臆是  
時露白秋正中清商蕭瑟鳴百蟲樓玉宇空聽雲和吸待臆是  
靈通琴心融早涵琴理靜吾窗說正落鶴樓沙鴻吟然雪外影微  
盜盜春融融早涵琴理靜吾窗說正落鶴樓沙鴻吟然雪外影微  
衰流傳已愧金徽上吳遨千醉巖巒幽一撫歸去尋邱引悲雍  
門虛躑躅怡情海上空遨千醉巖巒幽一撫歸去尋邱引悲雍  
懷仙兩地道相憶其衡上陽羽翁便題云箋幾原不注見陳壁生自相逢安兩  
武昌適地倘延龢其衡上陽羽翁便題云箋幾原不注見陳壁生自相逢安兩  
鬢霜記得昔滄浪之上坐與大巖所述小滄浪余於部中見欽定末勝有  
也曾攜手話滄浪之上坐與大巖所述小滄浪余於部中見欽定末勝有  
朝殉節諸臣錄按羅明史知樊一衡君寵有新鎮化將人馬科殆別城是通也  
愍見第八卷按羅明史知樊一衡君寵有新鎮化將人馬科殆別城是通也

羅時享父文炳字竹江諸生也。時豪字雙園時李賊聚眾萬餘。世據七都元溪嘉靖十四年李再萬倡亂知縣利賓討平之萬歷十年李萬吳又合諸賊出沒剽掠文炳以計獻邑令姚九功遣其子時豪時享多方引誘縛其魁以獻於九功時享為賊所殺自是賊黨散歸田里附近縣邑咸賴以安當事者給時豪以冠帶而雅重文炳葬時享紙錢堡署外以誌其功至今墳墓猶存父老云馬牛從墓旁過弗踐也。按萬歷志巨盜李再吳世據元溪嘉靖十五年某死子某又以其眾橫黨且千餘人周利侯平寇碑亦不言盜姓名康熙府志萬歷十一年元溪諸賊出沒湘甯鄉安化激浦魁李者據元溪歷世凡幾道光志云鄒廷寇碑所謂子某但云渠魁李者據元溪歷世凡幾道光志云鄒廷寇碑所謂子某者即嘉靖十五年所錄之李再吳正德十四年流寇入新化為吳之父而府志政績利賓傳云吳縣西有元溪李萬吳父繼盜萬吳死子又繼姚九功傳云先是元溪姚九姓李萬吳父繼盜垂三子載兵書云萬歷十一年知縣姚九功擒元溪賊子首相李廷祿以廷祿老營為新堡今按羅氏譜文炳家傳李賊世據七都元溪嘉靖十四年李再萬倡亂邑侯利賓討平之萬歷十年李萬吳

新化縣志

卷第十八

人物 忠義

七

又合諸賊出沒剽掠是文炳以計獻邑侯姚九功擒之賊當是李萬吳年討平之李再吳當是李炳再萬歷十一年所擒之賊當是李萬吳耳且大政十四年流寇府志以為再吳父亦第疑其時之先後而言與元溪相距僅四五里許博學考證應無謬舛存之以備參考於進士楚望之楚望稱博學考證應無謬舛存之以備參考其文炳父子勦賊有功而舊志未載平寇碑亦治十四年巡撫閣仲文炳沒弗彰可勝悼哉又按明政紀宏治十四年巡撫閣仲萬字則再萬當有二獲人再

楊士瑋鄧南楚皆布衣士瑋邑望族性剛直好學當崇禎癸未獻賊陷郡城時其支黨掠縣士瑋被執將脅以官抗不屈整衣冠端坐齒血大罵而死南楚膂力過人遇賊即與之鬪嘗手殺數賊賊仇之一日晚歸賊邀於途為所執大罵而死南楚文材之弟也文材見遺民而其時王進才之亂死者如麻尤不勝紀有張進者張尚禮僕也進才駐縣境尚禮令進往偵被獲賊迫令供尚禮所在曰但吐實者賞汝死進無語賊以火席圍其項炙之至死無一

俄尙禮怨家詣賊指所在進知不免乃給曰主固在恐迫以眾至驚逸不得耳賊信之以二卒從進往跡至望見尙禮大呼曰速避緩則賊眾集我一死無他說也尙禮舉家遁賊執進割舌扶眼拔筋以死進才凡三過新化村落爲墟所破橫陽洋溪羅猷高平諸砦類皆死抗無一降於賊者然多不可紀惟梅溪唐氏男女死者三十四人皆有姓名年月可考今備錄之唐曰都唐鳳庭唐紹煌煌妻劉氏唐紹仁仁妻潘氏唐紹禮禮妻李氏別有紹惠妻黎氏皆以丁亥三月十五口死紹譽妻劉氏鳳□妻曾氏以十六日死紹譽妻劉氏抱幼子抗節死尤烈鳳臺紹禹紹表三人以十七日死鳳輅以十八日死紹忠以二十三日死以上十七人皆死王進才之亂者唐思明唐鳳先唐思望妻曾氏思信妻李氏思孝妻蕭氏鳳宗妻曾氏皆以戊子十二月二十四日死唐紹榮唐遜初唐

新化縣志

卷第十八

人物 忠義

八

鳳透透妻張氏唐鳳丙妻潘氏郭在中妻唐氏郭氏女上桂唐思雍雍妻賀氏唐紹畧畧妻段氏唐新宇之子某甲皆以戊子年死無月日以上十八人皆死袁友第之亂者都三十五人中惟唐曰都爲縣學生員餘皆齊民郭氏女外皆一門也又有謝嘗吉者崇禎甲中選貢王進才之亂吉舉家遇害子四人三失所在季子尙幼乳媪負之逃得免於難成童始歸今其地父老猶能言其事云劉暘德與弟亨德孿生同隸縣學友愛甚篤袁宗第之破橫陽砦也執亨德勒重金贖暘詣宗第營泣告曰弟無子殺之絕其嗣矣且弟主家政將軍誠欲得金不如繫暘而釋亨不重金來則暘甘就戮賊諾之暘度亨去遠罵賊云死狗奴轉盼壘粉矣須金何爲暘束躬名教視死如歸豈肯久爲汝辱遂遇害及亨持金來袁已敗走檢得血書云弟來但收吾骨勿過痛予幸有子汝子曾不育

須念無後爲大善視兒輩可也亨躡踊扶柩歸葬之抱慟終身今其後嗣兩昌有鄒繼名者代父縣學生柏齡死逃兵之難見道光府志邵陽雷大壯傳中

羅均彰楚良村羅氏五世祖少跣弛譚古人氣節事目光炯炯官雲南都指揮使司洪武時交趾亂彰部兵進勦屢有功尋敗於伏被禽賊愛其勇勸之降不屈遂遇害其家以衣冠葬夫人山有歐陽羽良者生當明季征役繁興歐陽氏應調一人舉族無敢行者良獨毅然投筆應戍柳州城卒捐軀殉難妻陳氏聞耗踉蹌赴柳扶櫬歸葬又有吳新曾者 國初流寇突竄里人單出避新曾奮力擊賊手刃十餘人身嬰重傷爲賊執奇其技欲屈服之罵賊不輟伏劍死

按賜德均彰羽良新曾四人均不見舊志以事關忠義毋容湮沒從其家譜增

楊明達字登庸性豪俠明將牛萬才之掠邑也有眾數萬屠陂頭

## 新化縣志

### 卷第十八

人物 忠義

九

桃茶諸處幾無遺種復紮潘洋給殺橫楊山參將劉明岳去明年八月萬才復率其黨移駐大石溪明達糾眾禦之殉難栗山其子如孝終身不經其地每望而長號服賈漢市遇一人貌古神清謂之曰汝家世節義宐食報語汝大腦砦琉璃坳有桐數株乃金窟也歸伐樹取之家日裕如孝字子謙今歲貢生曙咸豐辛亥 恩科舉人湘鄉教諭圭瓚皆其裔

曾艾字虎卿一字同俊號雲溪父承妣乾隆壬申 恩科舉人試甘肅西隆知縣艾幼而開敏有膽畧讀書過目成誦能詩工書善騎射喜談古人忠孝節義事西隆歸病篤艾割左臂血以和藥父卒痛不欲生服闋以例貢考取 四庫館謄錄期滿議敘以州同分發江西歷署安福龍泉安仁知縣所至有聲以母憂回籍服闋將詣補會辰州苗變嘉男貝子福康安奉 命督師艾素以敏練

受知貝子詣軍門呈請效力貝子喜令守麥地汛旋調辦行營文  
巡捕先後從 大軍攻克黃瓜砦大小紅巖臭腦營烏宿河押寶  
砦等處奏以軍營相當缺出儘先補用嘉慶改元題補貴州永豐  
州分防州同貝子薨始抵任州隸南籠故苗地州同駐冊亨在萬  
山中尤險遠難治艾至清訟獄革陋規裕倉儲苗目來謁諭以督  
率各砦各安本業民夷悉安乃遣人迎致眷口甫至而南籠狝苗  
七柳鬢等遽叛艾聞警語駐防楊把總柳外委曰冊亨距南籠近  
勢易及今汛兵遠赴大營土城又單薄事且柰何惟有與君等戮  
力死守而已卽傳諭四鄉亭目招集良苗繕城堞治器械定條約  
明賞罰令出肅然已而賊至艾奮勇出擊賊披靡次日大至艾分  
令兩汛守西北僕余昇陳德等守東南門而以其戚張蓋英僕朱  
輝山守衙署接應各門火藥僕段延福守倉場給發兵民糧餉分

新化縣志

卷第十八

人物 忠義

十

布已備而自守東門礮臺往來策應相持半月戰五十餘合屢有  
斬獲生擒數十賊是時城中男婦不滿五百人婦女亦改裝登陴  
艾懸重賞募敢死士縋城閒道告急十餘輩久之外援不至已賊  
數萬蜂擁圍城艾督率兵民禦三晝夜而圍不解有白巾賊魁執  
旗於眾中指揮艾一矢斃之賊少卻忽報北門火起賊撲入繞至  
西門楊把總死焉艾率眾趨救遇賊於城西隅巷戰艾手刃十餘  
賊中鎗噴血罵賊死時二年二月二十一日也僕余升陳德毛升  
楊燦龔祥王升任德劉奉朝崔升皆力戰死妾余氏陳氏及兩婢  
子郭姊僕婦李氏潘氏皆自刎張蓋英於亂軍中覓得其次子江  
與段延福朱輝山負之逃江號泣曰吾父母皆死何以生爲賊尾  
及之中鎗而隕蓋英延福死之輝山被鎗落巖箐負痛奔告大營  
事聞奉 旨加倍優卹改南籠爲遵義府永豐爲貞豐州艾之初

殉也義民等收其尸藁葬城南隅兩廣總督題其墓事平其猶子  
潢與其長子湘跡至墓所啟攢與歸而禮部檄至行取平生吏治  
付史館立傳工部製牌位入祀昭忠祠江與蓋英入祀忠義孝弟  
祠余氏陳氏入祀節孝祠郭姊李氏潘氏等建坊旌表殉僕十六  
口盡與優卹湘廕雲騎尉世職同縣鄧顯鶴爲之作死事狀復列  
其事於五君子詩中閱十年而有曾彰泗死洋縣之事附錄曾君顯  
事狀乾隆六年春湖南辰州苗蠱動嘉慶二年元丁巳二月十  
犛苗繼叛永豐州同曾君死之是爲嘉慶二年丁巳二月十  
一職君諱艾及姬妾親號雲溪世爲湖南寶慶府新化縣人廕  
世職君諱艾及姬妾親號雲溪世爲湖南寶慶府新化縣人廕  
學即生父遺承歸姒踰歲而甘肅昌振科舉起自試用吏至令  
未舉即生父遺承歸姒踰歲而甘肅昌振科舉起自試用吏至令  
四舉十餘英子孫滿皆充邊工善楷隆不與射服尤好談兵少隨  
略舉動餘英子孫滿皆充邊工善楷隆不與射服尤好談兵少隨  
充官四甘肅具騰關隘分要發邊州障同權安福龍一泉安仁傑三  
至有聲軍丁統內兵征回君素以州苗變受知貝子命嘉辰州界  
爲大將軍丁統內兵征回君素以州苗變受知貝子命嘉辰州界

新化縣志

卷第十八

人物 忠義

十一

如左離右巢穴是鄉里承且震日動久星匪徒芽蘖子襄豫川戰  
兩宮日警盼捷音方高倚貝子皇帝重而佐貝子顧任深貝子西  
戎當行君用事於大府以上無承望得顏色因門下白事州縣  
咸謂君旦夕當具大子大官循亦日籠府思所豐以貴君州縣或  
苗地冊兵所駐尤險遠難治先士未久而必苗一賊堅守二城餘  
山日負而子糧盡道出垂破而君左手中先士未久而必苗一賊堅  
焚之逃已乃飛挺擊出大子大官循亦日籠府思所豐以貴君州縣  
民潛逃已乃飛挺擊出大子大官循亦日籠府思所豐以貴君州縣  
偵至視其背有礮痕幼跌入蕩好狗聲曰散者固不測九君死  
後四年後折節讀平書今爲遵義府永豐亦改貞豐其死子死  
妾某年余妻始入子張某僕某也死例甚悉後淮陽君所死  
不聽卒以言南可籠變矣又言冊亨圍配時君成抗卒星夜請  
亨餉於主者堅守人及十口援卒不至疆場泄未泄即可行遂免  
於遣迎張宜及兩子會長子湘疆場泄未泄即可行遂免於遣迎張

郡欲存增廣事之後得不同爲國殤哉湘廕雲騎尉世職一能自讀書古  
逆西夫南一起桓桓征南英帥百萬鞭箠殺身報弩誓前天子所至輒披靡賊  
力勢止於獬豸孤軍相角殺賊全厄運逢其年振臂呼死當爲厲鬼臣  
弔之云張三煦晴崖絕孤城壓卵同在貝幕中亂後及見成功有爲詩  
上完臣節無家祭鬼雄芙蓉開洛哭同磨別酬西風自注慷慨丈夫志  
殺身良無所安一楚黔相望遠風雨夜漫漫有烏

曾彰泗字孔林一字巨川艾族兄弟也高祖宗意見孝友父慎字  
敬成以四川德陽籍副榜中式己亥 恩科舉人博雅通擅以名  
德重於楚蜀間爲時聞人尤工書法人爭慕之彰泗少儻有志  
量書法迺秀似其父嘉慶辛酉充德陽縣拔貢生 朝考卽用知  
縣分發陝西試延川知縣有善政能得民隱乙丑權洋縣未幾死  
甯陝鎮新兵之難初川陝教匪之被勦於官兵也以終南山爲窟

新化縣志

卷第十八

人物 忠義

十二

穴其地袤延千數百里深崖密箐虬松喬柏漢唐以來歷供樵採  
名曰老林竄入之黨皆身經百戰驍悍難制之猾賊官兵乘之莫  
可誰何朝議改五通通判爲同知添設甯陝廳鎮總兵募兵六千  
分十大營鎮之而以積年立功無業可歸之鄉勇充伍籍以收桀  
驚爲善後計天下所稱新兵也初任總兵劉之仁草創未逾年以  
勞卒署任韓自昌未匝月遇滑賊苟文明大股戰死於是 朝廷  
以楊芳得士卒心奏升之而 朝命已授芳爲甯陝鎮總兵芳固  
名將與忠武公遇春同族同以勦賊積功稱二楊者也以次勦滅  
苟文明諸大股及擠添零匪南山廓清會遇春以補行穿孝去固  
原提督移芳駐固原而以參將楊之震權甯陝鎮時嘉慶十一年  
二月事也新兵素難馭陳先倫陳達順尤桀驚喜亂驟離主帥司  
儲又誤扣米折遂倡眾作亂七月初六日初更兵變戕署總兵中

軍及鎮廳兩城官弁遂連破營城十九處洋縣與焉彰泗拒守七晝夜援兵阻細水河不能至城遂陷彰泗大罵賊而死時八月朔日也洋縣民保眷屬潛出不及於難初彰泗之殉難也子庭槐方十歲其妻某氏欲以身殉曰夫死何可獨生彰泗弟某爲之解曰程嬰杵臼一死於十五年之前一死於十五年之後古人許之嫂之畱身撫孤又何恨焉事聞奉 旨優恤史館立傳予雲騎尉世職有漢南山長城固岳某者爲篡傳藁未及眷屬脫難事果勇侯楊芳旣收降叛眾斬先倫達順二人復於彰泗傳中增入其弟語而世始知彰泗眷口得免於難其子庭槐遂得廕雲騎尉世職附錄曾瓌哭族弟彰口殉難詩云一死遂千古吾家兩蓋臣艱難當代事慷慨丈夫身 天語光雲日忠魂泣鬼神長安西望遠灑淚向蒼雲自注嘉慶丁巳雲谿兄艾闔家殉貴州狝苗之難

蕭大鐘字秀川父有光以事安置來鳳大鐘遂占籍來鳳爲來鳳

### 新化縣志

#### 卷第十八

人物 忠義

十三

縣學生員有膽畧嘉慶元年教匪起湖北之當陽蔓延川陝來鳳隸施南川陝之交也妖氛甚熾大鐘與共友陳瞻蔚團練鄉勇三千餘人禦賊於兩河口芭蕉塘唐家堡等處賊匪奔潰又奉大帥委入賊砦招降首逆黃長青股千餘人已貝子福康安督師至稔其能復檄同官兵計誘胡正中等於三堡嶺就擒者無算賊恨之一日復奉檄往指甲坡被執賊脅以刃不屈賊倒縛大鐘於樹亂箭叢射之大鐘至死罵不絕口邑人陳魁春大鐘所從受業師也作十詩哭之有曾承恩者亦同縣人寄籍竹谿爲竹谿學生員教匪亂鄖襄閒蹂躪尤甚承恩團練鄉勇捍衛閭里屢與教匪接仗身瀕於死者數矣以州判銜効用竹谿人至今稱之又雍正時有晏嗣河者嗣漢弟也嗣漢歷官副將遷總兵見才傑河隨漢隸貴州行伍智勇兼備征勦所至疊著戰功拔補外委把總擊賊丹江

陣亡 卹贈守備銜

鄒漢勛字叔績一字績父祖父睿國學生父文蘇歲貢候選訓導  
箸有景山遺集漢勛母吳氏同里詩人吳樗蘭柴之季女生漢勛  
兄弟凡六人口授毛詩及漢唐古近體詩故六子皆才而漢勛爲  
最年十五通左氏義佐伯氏纂左氏地圖說十六七佐伯氏纂博  
物隨鈔佐仲氏纂山經集譜諸書十八九纂六國春秋父文蘇深  
愛之鄉居苦書少輒詣郡學借觀手錄口誦於天文推步方輿沿  
革六書九數之屬靡不研究而帖括不循繩尺繁或千言簡不盈  
幅久困童試道光十七年督學蔡錦泉試以三江九江考奇之拔  
補郡學生亦先耳其名又六年補廩膳生年已三十有八矣當漢  
勛孜孜爲學時人無知之者惟同縣老宿鄧顯鶴異之常以誇詫  
於眾惜其靈縕里閭無繇出與名流結納以擴見聞招至甯鄉學

新化縣志

卷第十八

人物 忠義

十四

舍同編蔡忠烈道憲遺集刊行之漢勛編校之役自此始知名亦  
自此始船山遺書者衡陽王夫之而農之所纂述 國史儒林首  
顧炎武次夫之其詩易各稗疏採入四庫者雖刊行而久佚未刻  
者尙數十種顯鶴諷其族裔之居湘潭者緝以付梓而薦漢勛司  
其校讎凡五十二部都三百十一卷其書始大行於世洎咸豐三  
年賊陷湘潭其板悉燬而傳本多存顯鶴倡修寶慶府志漢勛與  
焉多所論述時郡守黃宅中量移黔中招漢勛往至則爭相延致  
而貴陽大定興義安順諸郡志以次葺事其中形勢說循吏傳皆  
洞中日後情事羅文僖繞典胡文忠林翼時方官黔深與契合漢  
勛居黔五載歸里而有邵陽之獄初族中有身死不明者令不爲  
申理諸生某爭於縣庭漢勛隨眾往觀令并執而幽之將中以法  
顯鶴時爲濂溪山長頓足涕泣謂門徒曰余遭友難人胡不弔已

而事解令罷漢勛得赴鄉試中式爲舉人時咸豐元年歲任辛亥也明年禮□報罷繞典以雲貴總督入都奉 朝命幫辦湖南軍務邀漢勛同行行數日漢勛忽辭去東之淮上訪同郡魏源於高郵互出所箸相參訂越歲賊陷江甯源畀以遼史及尙書未定藁促其閒道歸里入夏乃抵長沙而南昌告警漢勛弟漢章已隨江忠烈忠源於圍城中漢勛念弟切亟欲往視會辦防侍郎曾國藩新募楚勇千人令忠源弟忠淑偕漢勛率以往忠源一見重之圍解敘勞以知縣用賊陷九江將趨田家鎮漢勛謂忠源曰鎮小而隘三楚門戶且防兵少宐疾馳據險爲犄角比至則半壁山已爲賊踞田鎮防兵旋潰糧道徐豐玉漢黃德道張汝瀛皆殉忠源兵多傷突圍趨廣濟署臬唐樹義以所部隸之移營黃陂擊走德安城賊遂由漢川渡江至武昌旋擢安徽巡撫當是時漢勛相從閒

新化縣志

卷第十八

人物 忠義

十五

關千里艱苦萬狀而卒同及於難先是省會新移廬州賊已由桐舒趨往忠源道病至六安益劇所部勇僅開化鎮軍數百人急令漢勛於六安募勇二千餘人而廬守胡元煒詭言兵集餉充促忠源倍道前進及入城則所辦皆虛應故事漢勛旁睨元煒謂宐急殺之以杜洩機忠源言初至守禦未備恐激之生變權令分守北城賊初謂城內空虛急攻可拔及穴地轟城有備意稍挫漢勛守大西門賊三爲隧道攻之城圯數丈賊登陴矣漢勛力擊卻之牆隨完固忠源專摺上功 天語褒美以同知直隸州升用

賞戴花翎時援師營城外五里格於城不得入而胡元煒勇首徐淮久與賊通臘十六日夜過半賊緣北城入翌日忠源投水自盡漢勛命酒左手執杯右手持劍大呼殺賊賊至格鬪閒斃數人以殉時年四十有九事 聞 贈道銜照都司例卹廕祀廬州湖

南昭忠祠漢勛生時母氏夢虎其身中而精悍兩目眈眈溺苦於學晝夜無倦衣履垢敝不稍修飾友于兄弟互相砥礪志在厲名節敦氣誼前後館穀所入不下數千悉供買書周急之用家無贏餘道光壬辰春米價驟貴鄰村有欲行劫者眾已聚矣漢勛急召至家鍵外戶而諭以後患且以穀分給之其後他劫者皆懼法眾始知感又嘗置社穀義學未竟其志所纂寶慶府志若干篇貴陽府志百十二卷大定府志六十卷興義府志二十四卷安順府志五十卷皆各刊行其存於家者學蓺齋文集三十六卷詩詞十六卷讀書偶識三十六卷穀梁傳例十四卷廣韻表十卷說文齧聲部十六卷夏小正義疏一卷易象隱義二卷雜卦圖說一卷卦象推廣一卷六國春秋二十四卷顓頊憲攷二卷帝繫詁一卷詩序去害釋滯發微四卷凡十四種其未脫藁者尙多初漢勛歿後漢

新化縣志

卷第十八

人物 忠義

十六

章以己所聚書與漢勛藏書及藁本構樓貯之同治二年五月土匪焚其居樓書俱燼時其子世繇外出從子世炎搜得殘本十八卷而已漢勛兄漢紀縣學生漢潢弟漢嘉縣學生漢章縣學生同知銜長沙府學教授漢池縣學生皆有著述子世繇軍功議敘府同知漢章歿於廣西水營

褒忠錄  
朝先正事略

鄒召旬字宣甫廩生性機警饒智謀尤耐辛苦初授徒里閭道光三十年粵西金田寇起勢猖獗湖南邊境奉文設防堵長白魁聯守寶慶謀能偵探賊情者或以召旬薦魁聯聘之至厚其薪資派勇二十人供驅使召旬短衣草屨恆尾賊行設法偵探賊情纖悉皆得得卽馳報無三日無報至魁聯得報或張虛聲或挖要害動中窾窾咸豐二年賊由桂林屠全州逾黃沙河陷郴桂踞道州旋由茶陵醴陵犯長沙破岳州下趨武昌而寶慶一郡與粵毘連獨

能先事爲備力遏寇氛者召旬力也賊退魁聯上其功敘訓導湖北按察使江忠源率師援江西聞召旬名招之同解南昌圍進知縣忠源奉命撫皖守廬州召旬寓廬城外每偵賊情以報已而廬城陷忠源及同知鄒漢勛皆殉漢勛召旬同邑族人也忠源屍得義卒周昌發負出召旬隻身入城覓漢勛屍屢瀕於死屍卒不得忠源弟忠濬率援師攻廬召旬爲襄理軍務咸豐四年卒於軍

襄忠錄

楊琢珩身修偉膽力過人咸豐二年投辰勇營守長沙小吳門三年從湖南提督塔齊布攻復湘潭賞六品軍功嗣是而岳州武昌興國田家鎮蘄州廣濟黃梅九江諸處均著戰績敘藍翎外委五年隸湖北巡撫胡文忠林翼營駐武昌袁家河四月九日攻賊八寶街失利文忠幾陷賊圍琢珩由湖蕩單騎突陣掄護文忠還營

新化縣志

卷第十八

人物 忠義

十七

歎曰我軍八千人皆仗劍楊琢珩其劍之干將乎擢千總升用守備八月初三日進剿漢陽抵月湖隄賊至琢珩奮力若戰礮傷左手死文忠急視慟曰失一悍將矣厚視其家爲請 贈卹世襲如例子圭選承襲雲騎尉世職

鄒永喆號竹窗有大志不事章句學與族漢勛兄弟均以博雅著聞尤以節義相砥礪咸豐二年四月粵匪屠全州寇氛近新甯舉郡窘皇郡守魁聯募勇屬永喆等擇要扼之郡以無事敘八品頂戴賊由郴桂竄長沙取道岳州陷湖北時道員江忠源率師剿賊湖北永喆從之賊犯江西永喆復隨至南昌協同防守晝夜不懈迄數月賊不得逞遂遁入九江敘功以從九儘先補用粵匪擾藍山等縣偕道員江忠濟回援事平駐師岳州備北寇進縣丞按察使經歷 賞戴藍翎寇少緩以省親歸尋丁父憂湖北復陷官

軍雲集忠濟以書促之來復至岳同移營通城屢挫賊鋒時咸豐五年也四月四日通城賊以大股逼官軍營忠濟麾眾迎擊血戰死之永喆持矛衝入賊隊被賊圍擊而亡同時親兵鄒法修鄒世泰羅先慶鄒祿吉殉焉事 聞從優議卹子世襲子興傳承襲雲

騎尉世職

襲忠錄

歐陽藜照原名煌字右文號炳叅曾祖宗洙祖緯父楛皆諸生藜照生而英穎年十三補弟子員十六食廩餼道光甲午舉於鄉庚戌成進士以知縣分發安徽性沈摯寡言笑見義奮發敢爲尤能以至誠感人壽州有重犯沒腳鼠者梟而黠者也屢捕不獲藜照奉飭往提之單車至其家沒腳鼠匿弗見藜照曰汝弗見汝謂事可終已乎吾此來非禍汝乃福汝也不然吾來奚爲單車乎沒腳鼠出伏乞命藜照陳以大義示以生路遂受械至中途其黨數百

新化縣志

卷第十八

人物 忠義

十八

人追至將劫之沒腳鼠止之曰若等毋誤我公事我公長者也吾性命已付我公矣且戒其黨毋再劫掠以重己罪其黨唯唯而退後果言於臬司曲貫其罪沒腳鼠亦感激改行其黨嘗欲擁之爲亂沒腳鼠誓不從遁歸壽州及賊擾皖境竟督鄉勇五百人持白梃助官軍復安慶城云又嘗護送重犯於廬州各犯請撤回兵勇並脫去刑具以便行藜照驗其誠爲緩羣桎釋枷鎖導之行比至郡無一逃者上官聞之皆嘉歎令署太平縣事時咸豐三年也太平號難治藜照以禮法立教士民畏服俗用丕變會粵匪由武昌陷安慶旋棄而陷金陵後復陷安慶擾及石埭藜照令營兵堵洋溪河已率吏役百姓助之人心稍安尋奉飭設局團練時賊勢方張人心恇懼首鼠兩端乃剴切開示激以名義怵以禍福民感其誠欣然從之遂爲制器械儲芻糧警斥堠部署既定遂攻賊於石

埭一戰復其城奪黃旗十餘竿殺賊四百餘擒其魁五人當是時  
太平團練之名最著五年賊復由青陽陷石埭再會守備楊國正  
復之敘功以同知直隸州補用六年三月賊眾數十萬由祁門黟  
縣竄羊棧嶺先是賊竄羊棧嶺藜照扼之賊弗能度至是復率團  
勇五百往禦之比至白沙嶺賊大股突至相持一晝夜援兵不至  
藜照率所部勇奮力抵擊殺傷過半力竭遂遇害三月十九日也  
年四十七同死者爲把總戴廷幹當賊大至時僕高陞欲負之逃  
藜照不可曰此吾報國之日也汝輩均可無死宐疾去高陞感其  
誠爲泣下不忍去是日亦同殉難戴廷幹高陞均安徽人事 聞

加恩照同知從優議卹如例尋 贈道銜予世襲子三長驥

承襲雲騎尉次綬試用安徽從九次驤

襲忠錄

譚光表廩生饒智術尤有膽氣粵西寇事起寶慶太守魁聯謀募

### 新化縣志

#### 卷第十八

人物 忠義

十九

勇扼要堵禦聞光表名令率勇駐甯鄉益陽各界以備賊兼使□  
賊情光表短衣履躡出入賊巢密邇之區或僞爲賊黨躬入巢穴  
偵探強弱情形風餐露宿不憚勞苦自咸豐二年至五年粵匪出  
沒長沙衡永諸境寶慶一郡以光表偵賊預防獨安堵無恐咸豐  
六年知府劉長佑討賊袁州光表從之天氣酷暑光表督勇防堵  
過勞是年卒於營

襲忠錄

鄒世範字伯常太學生 贈徵仕郎孔鋤長子自幼入承伯氏鼎

玉母氏楊十九孀居範克盡孝道家無積儲變產請 旌建坊

資以千計毫無難色家落恐母憂曲意彌縫而奉養不稍懈母有  
不時之需必如母願而後已鄉里稱之無閒言咸豐四年襄辦從  
父漢章水師營務隨同轉戰湘潭武昌以擒賊功敘從九七年夏  
皖賊陳玉成上犯蘄州漢章奉調堵剿閏五月十九日同擊賊於

獅子口死之事 聞從優議卹如例尋 贈鹽知事銜予世襲子  
二長代倣承襲雲騎尉世職次代俛邑庠生襲忠錄

譚印兆光表族人饒技藝咸豐元年投効廣西南甯行營廣西布政使勞崇光簡閱全軍見新化勇四十五人藝獨精詢知爲印兆所部勒重賞之並賞四十五人有營勇逃往桂林印兆奉營將命追之自南甯至崑崙關竭三晝夜之力執其人而還至營次斬之軍律大振嗣隨勦大塘感墟等賊敘從九品銜三年從湖北按察使江忠源平崇陽咸甯土匪已又從大軍平九江土匪皆有斬級功八年隨同駐師江西吉安以勞瘁卒襲忠錄

譚經世住栗坪村充團長咸豐九年石逆大股竄寶慶三月分黨犯新化經世與眾議設卡草鞵鋪六月十七日賊犯卡以眾寡不敵經世力戰而死同時生員譚挹芳村民譚德懋一同督戰遇害

### 新化縣志

#### 卷第十八

人物 忠義

二十

團勇死者曾國楨蕭忠士蕭發元曾吉軒王懷堂吳德堂李見書賀興寬賀興宇邱鐵匠王錦元吳受賞錦元江西人寄居栗坪同充團勇故遇害受賞被擒賊用木牌書其名以釘鐵釘其臂而死其團境同時遇害者黃顯照黃顯相黃顯宿黃光玉譚有權楊信篤劉慎權厲邦恪曾氣亨黃德容楊廷璋楊吉星蕭文鐘蕭應鐘吳福元顯照顯相兄弟也賊竄至栗坪負母而逃賊尾之兄弟皆被虜顯照罵賊不屈賊剖其腹顯相亦被害母以年老免顯相子榮宗榮貴均以遇賊被戕顯照妻蕭氏子婦厲氏彭氏相從投水死顯相妻李氏以逼姦不從賊挖其吭而死越日顯照長子祖恕歸家收葬有賊來偵祖恕追殺之顯宿當賊至時負八十三歲老母以逃遇賊被虜不屈死光玉亦因救母被戕有權之父中玉賊至被虜有權及其子德鳳奔救之均遇害信篤罵賊被戕慎權於

賊至門時手刀踰牆往□賊力屈被戕邦恪亦以手刀敵賊遇害氣亨寄居栗坪被虜罵賊而死德容因父瞽子幼不能逃亦同遇害廷璋爲賊所獲不屈被害吉星文鐘應鐘皆以遇賊不屈死福元以賊搜其家財罵賊被戕福元龍塘村人餘皆栗坪人也當賊至栗坪時居人或被執或逃難遇賊受害者三百餘人房屋被焚者百餘所有屍可憑者黃進祥進祿進常進海曾松貴曾康身黃正容蕭禮和羅老九餘無下落黃進維一子一女均被害其殉貞諸婦女詳見列女門

鄒漢章字叔明殉難廬州同知鄒漢勛之胞弟也生而清慧受經家塾時與諸兄講解辨難日無虛晷稍長出入子史百家尤畱心圖地兵制之學凡山川險要道里遠近靡不歷記於心性好義道光己酉歲大饑四方飢民麇集漢章典己田五十畝三分之一得

## 新化縣志

### 卷第十八

人物 忠義

二十一

錢數百千設廠施粥躬自董之旋大疫復典田施藥賴以活者數千人咸豐元年應童試以經解策論見賞於寶慶知府魁聯冠童軍明年遂與季弟漢池同補弟子員時粵賊犯楚各郡嚴防魁聯延漢章至署凡籌軍務辦防堵募勇給餉諸要務悉與商酌而始行三年賊犯江西湖北按察使江忠源帥師馳援侍郎曾國藩以漢章薦遂募勇自義甯州會之至江西守城有功賊退敘訓導分發益陽是年曾國藩治水軍於衡州聘漢章管帶鑲藍旗水師左營四年同率水軍至岳州適賊由黃州上犯官軍失利城垂危漢章艤舟岳陽樓下以救城內軍民縋而下者數千人賊破岳州乘勢由長沙上犯湘潭漢章與水軍統將楊載福彭玉麟血戰三晝夜賊大敗遁先年十二月兄漢勛殉難廬州至是漢章始聞變遽辭營往廬求骸骨以道梗不果前國藩令司偵探事武昌被陷漢

章與數人僞爲炭賈潛以剃刀免死牌置竹筒中入城散脅從數千人賊中多識之然亦不加害也僞將軍羅某從賊積年髮長尺餘漢章誘之出請於當事俾畱髮偵探統帥胡林翼師壁五里墩一日黃昏羅以大股賊將乘夜襲營報胡兵單漢章勸之移營遂卽夜退屯金口賊至迷向我師獲全六年春林翼以寶勇勁悍謀置將幕友丁取忠以漢章薦問其能曰廉林翼曰廉恥將古今難有也令率寶勇副左營駐沙口挖賊餉道時咸豐五年也金陵賊石達開自九江糾水陸賊十餘萬人來援漢章禦之魯家港被圍數重會賊礮船陷入港漢章遂帥師潰圍出取別道歸營旋會鹽提舉丁銳義擊隨州土匪於沔陽潛江沙陽平之武昌復改以教授選用加同知銜 賞戴花翎自是勦當陽戰蘄州下潯陽大小六十餘戰皆與因與總糧臺某不相能遂辭歸時已選授長沙

新化縣志

卷第十八

人物 忠義

二十二

府教授不赴任湖南巡撫駱秉章命率永清水陸右營駐靖州洪江堵黔匪九年夏石逆犯寶慶漢章奉檄率師船二十寶勇五百馳援五月十七日擊賊南城外部司李有恆馬中礮漢章遽以己馬授之有恆立斃騎賊三撲入賊濠賊敗退斬馘數千六月湖北施宐荆道李續宐帥師倍道來援先勦北岸賊漢章以礮船衝斷賊浮橋賊不得渡入水死者萬計續宐旋會按察使劉長佑渡南岸連破賊西南大營數十座漢章亦由東觀橋破沿江賊營賊分路遁漢章追斬二百餘獲僞印三十二顆敘功加運同銜十年夏應廣西巡撫劉長佑聘統領水軍全營挖江口與陸軍統領道員劉坤一相爲犄角敗賊麻子灘會從子世青病歿營中自是營務大小皆獨力支持積勞成疾七月十三日卒於軍年四十有六事聞贈道銜給卹如例漢章軀幹精彊耐勞苦暑不衣葛寒不披

裘食脫粟菜根晏如也能日行百餘里不倦行軍嚴紀律明賞罰發給口糧絲毫無所扣亡者瘞之病者藥之用是得士卒死力部下勇嘗與他營忤他營出隊來攻營官不能禁至漢章營寂然他營愧退掇賊張家塆時官軍失利當事欲加罪統將邢高魁漢章口眾人敗而一人罪可乎遂與丁銳義上書當事願同罪遂皆得釋寶慶解圍時收瘞骸骨至二萬餘所著有寶慶險要圖記二卷寶慶疆里圖記三十卷安化疆里圖記十卷黔滇楚粵水道攷二十卷紙上談兵二卷叔明文鈔八卷詩鈔一卷妻王氏湖北江夏人年十九性貞靜聞訃時不哭亦不言已乃以所生子屬妾向氏入室自刎殉焉子一世可蔭州判漢章從子世青字子滌大學生父漢嘉見文學世青有雋才博學強記下筆千言立就從漢章粵西軍中軍事悉委之每有筆札事務適諸勇畢集白事世青耳聽

新化縣志

卷第十八

人物 忠義

二十三

目視手書自若書畢指示諸勇各當其事蓋五官並用才知有大過人者以染瘴病先漢章卒時年二十有四

喪忠錄

唐顯烈字仲甫父梅道光辛卯舉人顯烈清癯骨立磊落負奇氣充郡人劉長佑營官咸豐六年克復萍鄉分宐袁州以從九選用七年臨江復擢縣丞 賜藍翎八年撫州復遷知縣顯烈膽識雄人每駐師逼賊而營或爭之彼此易位顯烈卒不讓也九年石達開竄永州長佑馳援三月九日分五路進攻長佑躬當一路顯烈與知府江忠義副將李明惠同知席寶田各當一路會副將余星元楊恆升率江華防兵至賊恇懼顯烈等麾眾掩殺燬賊營九賊巢十餘僞軍略蕭華蕭高入水死盡獲其印照輜重眷口騾馬永州圍解及賊竄寶慶長佑跟剿六月二十六日進攻長佑分師援半邊街官軍賊乘虛撲營各營分擊顯烈躍馬陷陣賊矛叢刺傷

血濡衣袴皆赤裹創刃賊卒同敗賊而返數其創凡十一先是顯烈從長佑敗閩賊於新城 詔知縣選缺後以直隸州知州升用至是以永寶解圍進知府石逆竄粵顯烈從長佑掇柳州踣慶遠赭來賓等處賊巢遷道員畱粵補用尋以假歸十一年楚軍攻潯州久不下長佑促之來六月至軍以疾卒 贈太僕寺卿銜顯烈性樸實爲將官惡衣菲食淡如也及與言戰功慷慨稱述旁若無人友人晏貽祚嘗規之顯烈爲改容褒忠錄

劉芳貴字朝重號珍山夙嫻武藝少貧傭力養母有相者曰貴人也咸豐二年爲鄉團勇勒習子弟皆有法賊犯長沙應團防大臣募爲隊長明年充雲營哨長賞八品軍功岳州失利諸營星散芳貴獨整隊而行已隨大軍由湘潭轉戰至岳州破賊田家鎮抵九江會賊踞湖口復陷武昌隨大軍回援駐軍天平峽塘角之戰左

新化縣志

卷第十八

人物 忠義

二十四

股傷裹瘡斬賊時已洊擢藍翎千總至是改守備加都司銜咸豐六年江西郡縣多陷芳貴奉檄援江西進攻瑞州左頤受礮子傷血迸湧諸營氣稍挫芳貴曰無傷也須急擊無失機宜當是時諸將皆重失芳貴遂收隊芳貴乃以傷回籍已而江西賊益張督師曾國藩 奏擢芳貴都司畱江西補用 賞換花翎促之起七年正月再抵瑞州統領寶後全營是年夏賊陳玉成竄擾蘄黃奉飭隨大軍援鄂七月抵黃安敗賊上巴河柳家灣等處盡平其壘進薄蘄水城賊出撲芳貴橫槊衝堅奪賊帥旗諸營從之焚其壘不數日而楚境肅清敘功升用游擊加參將銜嗣率所部援江除日抵豐城遂以八年元日大敗賊於豐城賊全遁江撫耆齡 奏擢參將畱江西補用尋口金谿擢副將蘇常陷賊芳貴奉 旨援蘇行至浙浙撫王有齡畱之令分防昌化之黃花嶺昌化在萬山

中峯巒險峭林木葱蘢賊踞山頂勢洶洶我師適大飢遂退營三十里力籌三日糧進攻昌化復之移軍海甯敗賊長安鎮有齡擬以記名總兵敘不數日而芳貴戰死富陽之信至當調堵富陽時駐軍富陽西關外與賊夾水而營相持數日芳貴將渡水乘虛攻之甫踰橋中礮洞腹而亡咸豐十年十月八日也年三十八富陽人建祠祀之事 聞贈總兵銜 予祭葬 給世襲崇祀昭忠祠

子顯麒承襲騎都尉世職

褒忠錄

劉中和號致庵咸豐六年入知府李續賓營從攻武昌賞六品軍功嗣是大小百餘戰中和皆與以勇聞擢把總 賞戴藍翎武昌復擢千總充凱右營哨官轉戰於蘄黃江皖所向披靡擢守備八年與賊戰於湖口敗之進都司明年石逆達開竄寶慶道員李續宜率師回援六月二十八日渡資而西令諸營進攻適賊攻凱右

## 新化縣志

### 卷第十八

人物 忠義

二十五

營中和等鏖戰良久會馬隊橫擊賊大亂乘勝追勦立毀田家渡賊壘賊卡次日圍解遷游擊 賜孔雀翎十年皖逆陳玉成糾捻匪來犯隨大軍夾擊又同復太湖潛山進參將加副將銜北撫胡林翼令回南募勇五百別署爲凱左營八月駐天門岳家口值捻匪竄商城移防麻城兩路口旋改駐長嶺關十一年二月四日賊犯松子關關踞長嶺二十里總兵陳大吉拒戰檄中和策應大捷斬捻首龔瞎子初八日偵賊將復犯率眾伏馬鞍腰平頂山賊至揮眾突出賊驚潰追至關外觀音塘是夜賊全數遁當敗賊松子關時陳逆玉成由英霍陷黃州駐防麻城營官梁作楫調中和率眾至麻城助防遂擊走中館驛賊黨三月四日賊萬餘由英霍繞道攻麻城中和揮眾出擊斃馬賊數十人賊將潰會步賊擁而前圍之數重左右馳突不能出力竭死之所部從死者數百人事

聞交部從優 賜卹照總兵例 予世襲子楚寶承襲騎都尉世

職 褒忠錄

蔡玉麟字佩珍一字子厚東明令錫申子也玉麟隨父之官十歲  
遭母喪哀號如成人先是母曾氏病劇玉麟與女兒親侍湯藥晝  
夜罔懈夜深人靜則露拜北斗於庭冀延母算如是者年餘母卒  
伏地哀痛不能起聞者傷之咸豐辛酉入貲得縣丞發直隸北河  
試用同治元年大順廣兵備道王榕吉調入大營襄辦文案多所  
獻納榕吉尋擢按察使秦觀察聚奎踵視事令玉麟督勇自爲一  
隊益感激思奮竭誠圖報時山東冠縣降賊張錫珠等復叛肆掠  
鄉村聚奎督兵進剿至冠縣桑阿鎮與賊戰遇伏死玉麟奮揅手  
劍陷陣斃悍賊數人遂同遇害直隸總督文煜劉長佑前後 奏  
準從優 賜卹追贈鑾儀衛經歷祀秦聚奎祠子景嶸襲雲騎

新化縣志

卷第十八

人物 忠義

二十六

尉世職

鄒孔紳字鞞發別署書堂候選從九同治二年辰沅匪首唐洪山  
倡亂由邵陽隆回二都犯羅洪孔紳奉知府邵綬名檄督辦團防  
率勇三百與子世新孫代震堵禦相持十數日時把總劉光耀駐  
錫溪水車市邑人劉芳成駐洋溪劉貴亨督團勇五百紮株木坳  
老鴉田紳約貴亨爲犄角期五月十四日前後夾擊當事者撤光  
耀兵退雲溪貴亨轉駐孟公嶺紳軍孤十五日黎明匪數千蜂擁  
而至寶慶府勇屯顏公市恇怯不敢進匪撲紳營前隊潰紳督戰  
大呼再四而藍旗營潛與賊通弗用命紳死之代震亦死世新嬰  
重創暈絕匪退昇歸醫治經年始得愈湖南巡撫惲世臨 奏準

贈鹽運司知事銜予世襲子世新襲雲騎尉世職發寶慶協標

學習候補營守備孫代震議

卹如例

紳之親兵鄒德昭亦同日遇害

江有貴字星湖咸豐四年投管帶忠義勇田興恕營從征鎮江股匪擊賊於西鄉高資港及西門外馬步橋四擺渡斬獲甚多焚其壘與礮船 欽差大臣向榮 奏賞藍翎六品軍功五年十二月金陵賊由棲霞諸路下竄有貴隨興恕進剿六年正月戰於蜀街二月戰於顧家壩姚岡七月又戰於它蓋山身嬰重傷屢有禽獲敘功拔補外委十一月復隨剿鎮江東北門外逆匪生禽數賊奪其旗幟右腿中礮傷 欽差大臣和某保敘把總七年春夏間連擊賊於南門東北門奪賊帥大黃旗矛傷左腿擢千總八年九月奉檄督忠義勇三百隨同渡江剿賊 欽差大臣德某以克復楊城功 奏升守備 賞換孔雀翎仍飭回金陵舊營防剿九年二月調防陵關九月調堵揚州十月賊竄三汊河擊退之並有斬獲十一月復調回金陵駐營北路規圍十年二月攻取下關賊營三

新化縣志

卷第十八

人物 忠義

二十七

座八月賊復犯鎮城派駐關城登陴固守七晝夜圍解江陵將軍巴某以鎮城三次解圍 奏進都司十一年二月賊眾踞上塘有貴同馬隊進剿燬賊卡斬首一級四月賊集大股又犯鎮城築壘重圍有貴督兵勇相持十八晝夜破之旋同馬隊追至馬陵生禽逆賊而返題補廣西富賀營都司九月賊復犯鎮城敗之於甘棠橋鹽街斬首三級左手傷進游擊十月賊仍踞馬陵連日戰於上塘薛村甘棠橋划子橋花村俘馘無算調補貴州鎮遠鎮標左營游擊尋超擢副將同治三年回里四年二月赴貴州游擊任道經獨山州當事稟畱帶勇又五月十二日出隊大捷乘勝逐北遇伏而死妻 氏攜其長子某同有貴之從兄名樹軒者赴獨山將扶櫬歸均染病死次子某亦死於家門祚衰薄未獲上請 卹贈然其戰績亦炳炳矣

劉勝祥字瑞麟咸豐三年投効 欽差曾國藩營時逆燄方熾楚北金陵先後淪陷勝祥畱營差遣四年湖南提督塔齊布檄帶哨勇隨勦岳州進規鄂城及興國州田家鎮黃梅大合鋪廣濟孔壠小池口九江府逆匪五年八月復由九江隨同統領湘勇羅澤南轉攻通城崇陽蒲圻連捷三城並洋樓洞山坡諸處股匪亦均勦滅六年幫辦副左寶營自五年冬至是年春規圍湖北省城大小一百三十餘戰七年管帶濟勝軍親兵營防堵江西省垣八年并帶鎮靜軍均改爲祥字營七月賊圍廣信玉山悉力進攻解圍九年調勦饒州景德鎮踞逆收復浮梁縣城十年賊復圍玉山再擊而再敗之同治改元調駐景德鎮二年攻勦浮北葉家莊股匪賊壘一空三年正月浙逆竄江西勝祥寒暑奔馳轉戰數千里賊竄崇仁宐黃復陷南安府之水城勝祥率師疾馳及之賊棄城走閩

新化縣志

卷第十八

人物 忠義

二十八

疆全師暫息南安四年十二月賊首汪海洋等聚踞粵東之嘉應州調往會勦駐軍望梅亭距州城十五里獨當一面諸軍四面合圍汪逆自戕餘匪狂竄斬獲生禽無數投誠者尤眾五年正月凱撤回江江西巡撫劉坤一以贛南甫經平定人心未安 奏畱駐防虔南一帶爲彈壓鎮定計乃復駐軍贛州勝祥効力行閒十有餘載戎馬馳驅由楚南北歷安徽九江粵東防勦江西十四郡州敘功累保至提督 賞戴花翎積勞成疾卒於營時九年十二月也勝祥性機警不專任勇每臨陣能相度機宐故所向克捷捐營中欠餉十七萬餘兩增廣學額喜收書籍善楷法稍暇卽臨池肄書弟呈祥五品藍翎主簿咸豐九年髮賊竄寶慶嘗督鄉勇防守牛山卡同治時由江右營歸省母中途搆疾卒於旅次十年江西巡撫劉坤一以勝祥事 奏請 卹贈如例

李斌字仲襄父明魁敦崇儉樸以孝友聞斌家貧力學年三十餘始隸縣學爲增廣生屢薦不售嘗謂科目不專在文藝而在德行吾文不入穀實吾德未修也斌性廉靜肫摯事父母暨繼母委曲承順喪葬盡禮與人交謙退率真不計勢利鄰里咸重之爭延課讀咸豐十年幫帶寶勇入黔勦辦思南府印江縣號匪暨川黔交界猫猫山賊巢貴州提督田興恕保以訓導遇缺卽選 賞戴藍翎十一年三月粵匪環攻畢節力保危城勦辦大定府白布河賊生擒首逆貴州巡撫韓某保奏免升知縣以同知直隸州畱黔儘先補用 賞換花翎同治四年雲貴總督勞崇光奏帶入滇隨營差遣六年雲南巡撫飭回原省十一月委署黔西州事七年雲貴總督劉嶽昭保加知府銜八年四月署普安廳事當署黔西時苗氛甚熾百姓流亡兵差繁劇籌勦籌防設團修屯稍得安集耕種

新化縣志

卷第十八

人物 忠義

二十九

公廚常斷炊不顧也族姪有恆督兵防川聞其清苦資以千金亦盡出以濟軍餉解任日黔民泣送數十里爲立長生祿位牌德政碑其將署普安廳也賊蹤環逼兵單餉絀城孤勢危有勸以僑居外地爲自全計者斌謝曰普安無官則不能一心禦賊職司守土當與城共存亡可置城弗顧耶卽毅然任事內守外擊不浹旬而賊遂遁敘功擢知府普安俗尙武健喜爭訟斌導以禮讓日理數十案無屈者囹圄一空大府皆知其真心爲國將大擢用適小河釐務需員善後斌卸普安篆甫兩月餘旋奉臬司某檄往清理斌偕從弟李瓚表兄袁春貴就道經大書田遇伏賊數十人瓚先行被害春貴負斌行賊以矛刺斌春貴反手扞賊矛猶力負不釋斌知不免謂春貴曰我有子而無親以身報國宐也兄有親而無子且無官守殉我何爲耶乃嚙其背奮然下春貴得免斌遂殉難時

十年二月十二日也越日昇其屍面如生歸櫬新化貴州巡撫以  
其事奏請 卹贈如例

新化縣志卷第十八終

新化縣志

卷第十八

人物

忠義

三十